

Estudyante°1

Dapita ang inyong grupo sa paghunahuna nga sila mitambong sa miting sa sakrament diin ang usa ka returned missionary mihisgot mahitungod sa iyang misyon. Atol sa iyang pakigpulong, iyang gisaysay nga siya nakabunyag og pipila ka tawo. Usa ka semana ang milabay, laing returned missionary namulong sa miting sa sakrament mahitungod sa iyang misyon ug misaysay nga siya nakatudlo og daghang tawo kinsa sa katapusan nabunyagan human nga nabalhin siya sa lain nga mga area.

- Unsaon man ninyo pagtubag kon adunay moingon nga ang misyonaryo kinsa nakabunyag og daghang tawo sa iyang misyon mas malampuson kay sa misyonaryo kansang mga investigator wala mabunyagi hangtud nabalhin siya sa area?

Isulat ang mga pulong *gitanom* ug *gibu-boan* sa usa ka pirasong papel, ug ipakita kini sa inyong grupo. Ipasabut nga si Pablo mikomparar sa mga misyonaryo ngadto sa mga tawo nga mipugas og mga binhi ug gibu-buan og tubig ang mga pananum. Pahinumdumi ang imong grupo nga ang mga Santos sa Corinto nagsugod na sa pagkabahin-bahin kon kinsa ang nakabunyag nila. Mituo sila nga ang ilang kahimtang diha sa Simbahan gibase sa kaimportante sa tawo kinsa mibunyag nila. (Tan-awa sa 1 Mga Taga-Corinto 1:10–16.)

Papuli-puliha ang mga miyembro sa inyong grupo sa pagbasa og kusog gikan sa 1 Mga Taga-Corinto 3:4–9. Hangyog ang grupo sa pagsunod, nga mangita sa unsay gisulti ni Pablo mahitungod sa mga misyonaryo kinsa nagtudlo ug nagbunyag sa mga tawo didto sa Corinto.

- Sumala sa bersikulo 5, unsa ang giingon ni Pablo bahin nila ni Apolos? (Ipasabut ang bersikulo 5, ug ipasabut nga ang *mga ministro* nagpasabut sa mga sulugoon.)
- Sumala sa mga bersikulo 6–7, unsa ang giingon ni Pablo mahitungod sa misyonaryo nga nagpugas sa liso sa ebanghelyo ug sa mga misyonaryo kinsa mitabang sa mga liso nga motubo?

Kon gikinahanglan, ipasabut ang hugpong sa mga pulong “ang may bili dili ang nagtanum o ang nagbisibis” diha sa bersikulo°7, ug ipasabut nga si Pablo migamit niining mga pulong sa pagtudlo nga wala niining mga tahas ang mas importante kay sa tahas sa Dios.

- Unsa ang gipasabut sa mga pulong “kondili ang nagpatubo, nga mao ang Dios lamang” (bersikulo 7)? (Ang Dios, pinaagi sa Espiritu Santo, kinsa nakahimo og mga kausaban sa kasingkasing sa mga tawo nga mogiya ngadto sa pagkakabig, dili kadtong nagtudlo ug nagbunyag.)
- Unsa nga kamatuoran ang atong makat-unan gikan sa 1°Mga Taga-Corinto 3:6–7 mahitungod sa atong tahas ug ang tahas sa pagtabang sa uban nga makabig ngadto sa ebanghelyo ni Jesukristo? (Human makatubag inyong grupo, dapita sila sa pagsulat sa mosunod nga mga kamatuoran sa ilang mga kasulatan sunod sa 1°Mga Taga-Corinto 3:6–7: **Samtang makatabang kita sa uban nga makat-on mahitungod sa ebanghelyo ni Jesukristo, pinaagi sa gahum sa Espiritu Santo ang mga tawo makabig.**)

Klaroha nga aron ang tawo makadawat sa Espiritu Santo ug makabig, kinahanglan ilang buhaton ang ilang bahin pinaagi sa paggamit sa hugot nga pagtuo ug sa pagsunod sa mga sugo sa Dios.

- Sa unsang paagi kaha nga ang pagkahibalo niining kamatuoran mahimong makatabang sa mga Santos sa Corinto nga mas magkahiusa?

Hangyog ang inyong grupo kon sa unsang paagi kining kamatuoran makatabang nila sa pagtubag sa mga sitwasyon mahitungod sa duha ka mga returned missionary.

- Nganong importante man alang kanato nga makasabut nga ang Espiritu Santo ang makapakabig, dili ang atong kaugalingong gahum?